

ՆԱՐԵԿ
ԱՂՕԹԱՄԱՏԵԱՆ
Ս. ԳՐԻԳՈՐ ՆԱՐԵԿԱՅԻՈՅ

Բան ԾԶ.

Ա.— Հիմա հոս իրենց անուններովը պիտի նշանակեմ դժոխարմատ ծառիս պտուղ այն մահաձիթ պատճառները, որոնք ընտանի թշնամիներ, հակառակորդ հարազատներ եւ դաւաճանող որդիներ են. ահաւասիկ:

Բ.— Նանրախորհուրդ սիրտս, չարախօս բերանս, յայրատատես աչքս, վրիպալուր ականջս, մահաձիթ ձեռքս, անփորձ երիկամունքս, մոլորաշաւիղ ոտքս, աներկիւղ ընթացքս, խոտորնակ հետք, ծխախառն շունչ, խաւարային գնացք, քարացած լեարդ, ծորած խորհուրդ, անկայուն կամք, անփոփոխ չարութիւն, խախտած բարեմասնութիւն, տարագիր հոգի, վաճառուած աւանդ, վիրաւոր գազան, նետահար թռչուն, քարավեժ փախստական, բռնուած յանցաւոր, ծովամոյն աւազակ, նենգաւոր զինուոր, անպատրաստ մարտիկ, անժուժկալ սպառազէն, հեզգացած մշակ, անխրախոյս աղօթաւոր, ստորնաքարշ բեմական, անկնդրուկ քահանայ, աննուէր օրինական, կշտամբուած գրագէտ, խելագար գիտուն, անճոռնի ճարտասան, անպատկառ կերպարանք, անամօթ դէմք, լպիրշ երես, անհամբոյր գոյն, տմարդի տիպ, ծանակուած գեղեցկութիւն, աւրուած խորտիկ, գարշելի համ, գաղձաւոր այգի, որդնահար որդ, փշաբեր պարտեզ, ուտճահալ հասկ, մկնակեր մեղր, անպատսպար անկեալ, յուսահատ սնապարծ, անմիջնորդելի նզովեալ, անհաշտ բաժնուած, ունայնաբան շաղակարտ, պաճարամիտ գոռոզ, անասնօրէն ապիրատ, դժոխային ազահ, անսանձ յանդուգն, անաստուած մոլեգնութիւն, մարդասպան ձեռնարկութիւն, տատասկացած երկրագործ, եղկելի երջանկութիւն, վատթարացած հարստութիւն, անշքացած վայելչութիւն, տկարացած կարողութիւն, խոնարհած բարձրութիւն, ընդոտնուած փառաւորութիւն, տելական պատուիրազանցութիւն, ինքնական սխալանք, կամակոր մատակարար, նենգաւոր խորհրդակից, պառակտուած բարեկամ, գողամիտ գործակալ, կծծի մերձաւոր, ժլատ բաշխող, կարկամ վերատեսուչ, անկարեկից հոգի, անսէր փափաք, ատեցող բարք, անգութ աղիք, անխոհեմ ընթացք, ապականուած խորհուրդներ, անիծուած գաղտնիքներ, այպանուած պատահարներ, վատնիչ վաճարական, շուայտ շահագործ, արբեցող պաշտօնեայ, երկմիտ գանցապետ, բանսարկու պատգամաւոր, քնէած դոնապան, ուրացող հարուստ, անօրէն դիւանապետ, մատնիչ պահապան, չարախօս բնակակից, անժաման սուրհանդակ, յանցապարտ թղթաբեր, խռովարար առաքեալ, անխելք միջնորդ, արտալիւծ արքայ, թարմատար թագաւոր, հոգեկործան կայսր, տիրադաւ իշխան, գրկող զօրավար, ականառու դատաւոր, ինքնագլուխ ռամիկ: Նախատողի ծաղրանք, բարեկամի աշխարանք, գրագէտի գորովանք, յանդիմանողի դատախազանք: Ես ստէպ այս վսեմ անուններով կոչուեցայ, ու գործերս յաճախ այս յոռի յատկութիւններով որակուեցան: Այսքա՛ն եւ դէռ աւելի՛ իսկ են այն

պատրողական վնասները, որոնց մէկ քանիէն եւ յիմարի պէս խաբուեցայ եւ ուրիշները իրե՛նք տիրեցին վրաս՝ կամաւ մահուան մատնելով զիս:

Գ.— Արդ, վերոգրեալ այդ յատկութիւններէն, որ Քեզի ատելի եւ ինծի համար կորուսիչ են, որո՞նք կրնամ Քու ծառայութեանդ նուիրել. ապականութեամբ պարագրուած ո՛ր մէկը Քու ամենասուրբ մեծութեանդ ներկայացնեմ. կամ Դուն որքա՛ն երկայնատութեանբ պիտի համբերես այսքան յանցանքներուս, որչա՛ փ պիտի ներես, ի՞նչպէս պիտի լռես, ի՞նչպէս նոյնիսկ պիտի անսասս, ի՞նչպէս գանակոծութեան պիտի չմատնես զիս, որ մահապատիժ սատկումի արժանի եմ: Ո՛վ անվթար զօրութիւն, Դուն այս աննշոյլ միութիւններուն, հոգիներու այս խաւարին՝ Քու լոյսիդ ողորմութեա՛մբը այցելէ, բժշկելու, քաւելու, կենսագործելու համար զիս. ու Քեզի փառք ամէն բանի մէջ. ամէն:

Բառարան

Ծորիլ - Հոսիլ, թափուիլ:

Ստորնաքարշ - Գետնաքարշ, նուաստացուցիչ:

Լպիրշ - Լիրբ, անամօթ, լկտի:

Ծանակել - Խայտառակել, ամօթի ենթարկել, ծաղրել:

Մնապարծ - Պարծենկոտ, մեծխօսիկ:

Կծծի - Ագահ, չտես, ճղճիմ:

Սուրհանդակ - Շտապող պատգամաբեր՝ թղթատար:

Արտալած - Հալածական, դուրս քշուած:

Անսալ - Հաւանիլ, մտիկ ընել:

Անվթար - Անաղարտ, չվնասուած, ամբողջ: